



Ukuhlomisa izingane zethu
ngelikusasa

SS 3

Isihloko sesifundo: Ukuthengiswa kukaJosefa

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: **Ukuthengiswa kukaJosefa**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Kepha lesifundo singenziwa nangesikhathi esihambisana nenqubo yomnden i wakho. 2.3: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.4: Uyacelwa uthinte uThisha wakho wesikole sangeSonto uma udinga noma yiluphi usizo noma uma udinga ezinye izinsizakufunda kulezi ezingenhla. 2.5: Uma isifundo sesiphothuliwe nengane yakho, uyacelwa ukuba wazise Isikole sangeSonto ukuze kugcwaliswe irejista ku MIS.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Isenzo
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela.
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se **SS 3** nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwako ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha wesiKole abazimisele ukukusiza.



Isifundo

Isihloko	Ukuthengiswa kukaJosefa
Umbhalo weBhayibheli	UGenesise 37: 12-36
Inhloso yesifundo	Izingane zifunda ukuthi inzondo nomona kungaba nemiphumela emibi kakhulu uma sikwenza. Bafunda ukuthi iNkosi ivumela izinto ezingaphezu kokuqonda kwethu ukuthi kungani zenzeke, kepha Yona ihlala isondele kulabo abathembela kuYo.

Isifundo esifingqiwe:

Isifundo sigxile ekutheni kasiqondi njalo ukuthi kungani kwenzeke okuthile ezimpilweni zethu, kepha singathembela njalo kuNkulunkulu.

- UJakobe wathumela uJosefa ukuba ayobheka ukuthi ingabe abafowabo baphila kahle lapho beluse khona imihlambi eShekemi.
- UJosefa ujatshuliswa ukubona abafowabo, nokho, lapho abafowabo bembona ekude, umona nenzondo yabo yaqala kabusha futhi yaphuphuthekiswa yintukuthelo benza uzungu lokunquma ukumbulala uJosefa.
- URubeni, umfowabo omdala, nokho wabakhuza. "Ningachithi igazi. Mphonseni ephila emthonjeni ongenalutho." Izelamani zavumelana. URubeni wacabanga ngasese ukuthi uzomtakula uJosefa, lapho abanye sebalele.
- Lapho uJosefa efika kubafofawo, bakhumula ingubo yakhe entsha base bemphonsa emthonjeni owomile.
- Ngesikhathi bedla, babona iqembu lama-Ishmayeli lihambela eGibhithe. UJuda, wabe esethi kubafofawo: "Masingambulali uJosefa, masimthengise kulaba bakwa-Ishmayeli." Ngakho bamkhipha uJosefa emthonjeni bamthengisa ngezinhlamvu zesiliva ezingamashumi amabili.
- URubeni wayengekho nabafowabo ngenkathi kwenzeka lokhu, ngakho-ke ngesikhathi engamboni uJosefa waklebhula izingubo zakhe ngenxa yosizi ngoba wayengakwazi ukumsindisa.
- Basebethatha ijazi likaJosefa, babulala imbuzi bacwilisa ijazi lelo egazini. Bathatha ingubo bayisa kuJakobe bamtshele ukuthi uJosefa ubulawe yisilwane sasendle. UJakobe wezwa ubuhlungu enhliziyweni futhi wakhala ngenxa yendodana yakhe isikhathi eside.
- Phakathi kwaleso sikhathi, eGibhithe, uJosefa wathengiswa njengesigqila.

Ingabe sisho ukuthini lesisifundo kithina namhlanje na?

- Ngenxa yenzondo yabo, nomhobholo nomona abafowabo bakaJosefa babefuna ukumbulala, kodwa uNkulunkulu wamvikela uJosefa futhi esikhundleni salokho bamthengisa kuma-Ishmayeli.
- INkosi ayingeke ivikele abantwana baYo njalo ebubini, kodwa Yona iyasiduduza futhi isivikele ngesikhathi sezidingo (esifanele).



- Izinto zamhambela kabi uJosefa, kepha iNkosi yayihlala isondele kuye, noma uJosefa engazange azizwe kunjalo. INkosi yayifuna ukumvikela nokumbusisa.
- UNkulunkulu uhlala njalo enalabo abamethembayo. Noma singakwazi ukuqonda ukuthi kungani izinto ezimbi zisehlela nathi, kepha siyazi ukuthi singathembela kuNkulunkulu njalo ngenduduzo, namandla nokuvikelwa nguYe, ngoba Yena uyasithanda.

Khumbula, uNkulunkulu ufuna ukusivikela futhi asibusise. Noma singaziqondi izindlela zaKhe singathembela kuNkulunkulu.

Eminye imibuzo esingayibuza:

1. Buza izingane ukuthi ingabe zaziyoqwenzenjani lapho ziphonswa emthonjeni owomile ngabafowabo na?

IMP: Vumela ingane iphendule

2. Khuluma nezingane ngokuthi umona nenzondo kungasiphuphuthekisa kanjani futhi kusiholele ukuba senze izinto ezimbi kakhulu ngenxa yokuthukuthela. Abanye abantu baze baphelele ejele. Kumele sifunde ukuthi, noma ngabe abanye basiphathi kabi noma abanye banokuthile abanakho, kepha kumele sihlale sithandana. UNkulunkulu usithanda sonke futhi unezinhlelo zokusivikela nokusibusisa.

3. Buza izingane ukuthi ingabe uNkulunkulu wamvikela kanjani uJosefa na?

IMP: Siluleka izingane ukuthi ziqonde ukuthi zonke lezi zinto zehlela uJosefa kodwa wayevikelwe nguNkulunkulu. NguNkulunkulu owamisa abafowabo ukuba bangambulali. Futhi ngokuhamba kwesikhathi sizobona ukuthi kungani zonke lezi zinto kwakufanele zenzeke.

UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen